

四庫全書

史部

欽定四庫全書

欽定蘭州紀畧卷十九

丙辰李侍堯奏言各省咨解前在甘省捐監冒賑  
各員叅革西安府同知原任平涼縣知縣趙杭林  
前任鎮西府知府崧柱原任鎮番縣知縣王夢麟  
前署碾伯縣知縣筆帖式景福原任洮州同知顧  
芝前署環縣知縣捐陞光祿寺署正陳嚴祖原任  
撫彝通判博敏原任固原州知州郭昌泰原任隴西縣

知縣廣福清水縣知縣王璠原任莊浪縣丞閔焜  
原任安西州州判朱蘭等十二犯到蘭臣率同兩  
司逐一研訊趙杭林冒賑銀一萬七千九百餘兩  
又捐監盈餘銀九千兩崧柱冒賑銀一萬四千九  
百餘兩又捐監盈餘銀六千四百餘兩以上二犯  
贓在二萬兩以上應照侵蝕錢糧一千兩以上例  
擬斬請

旨即行正法王夢麟冒賑銀三千五十餘兩又捐監盈

銀六千四百餘兩景福冒賑銀六千二百餘兩捐  
監盈餘銀四百餘兩顧芝冒賑銀四千二百餘兩  
又捐監盈餘銀二百兩博敏冒賑銀二千餘兩又  
捐監盈餘銀二千二百兩郭昌泰收受屬員銀三  
千五百兩又捐監盈餘銀六百餘兩陳嚴祖冒賑  
銀二千七百餘兩又捐監盈餘銀一千餘兩廣福  
冒賑銀二千八百五十餘兩又捐監盈餘銀八百  
兩王璠冒賑銀二千六百兩又捐監盈餘銀九百

兩閔焜冒賑銀一千一百餘兩又捐監白晷餘銀一  
千三百餘兩朱蘭冒賑銀一千二百餘兩又捐監  
盈餘銀七百五十兩以上十犯應各照侵蝕錢糧  
一千兩以上例擬斬監候惟查景福顧芝郭昌泰  
王璠朱蘭在原籍京中狡供及解甘省經臣再三  
嚴詰方各供認應遵

諭旨不肯供吐實情審出時從重治罪請將該五犯入  
於秋審情實奏入

上勅軍機大臣會同該部核擬速奏旋經軍機大臣等  
議言應如所奏辦理

上諭內閣曰趙杭林崧柱侵蝕官項在二萬兩以上著  
照程棟等之例補行予勾其侵冒一千兩以上之王  
夢麟博敏陳巖祖廣福閔焜俱依擬應斬著監候秋  
後處決其景福顧芝郭昌泰王璠朱蘭五犯侵冒雖  
不及一萬兩以上但解審時不即供吐實情尤為狡  
詐俱依擬應斬著監候歸於秋審情實辦理餘依議

壬戌李侍堯奏言江蘇解到叅革原任平番縣知  
縣何汝楠原任涼州府知府吳鼎新原任紅水縣  
縣丞史載衡三犯臣遵卽率同兩司研訊據何汝  
楠供冒賑銀五萬餘兩又捐監盈餘銀一萬五千  
餘兩吳鼎新供冒賑銀八百餘兩又建倉請銷銀  
七千九百餘兩捐監盈餘銀四千餘兩又收受永  
昌縣知縣林昂霄銀一千兩史載衡供冒賑銀八  
千六百餘兩又捐監盈餘銀四千二百兩應請將

何汝楠吳鼎新二犯照侵蝕錢糧一千兩以上例  
擬斬請

旨即行正法史載衡一犯照侵蝕錢糧一千兩以上例  
擬斬監候歸於秋審情實再何汝楠贓在四萬兩  
以上所有該犯之子亦應發往伊犁充當苦差奏  
入

上勅軍機大臣會同該部核擬速奏旋經軍機大臣等  
議覆應如該督所奏辦理



上諭內閣曰何汝楠侵蝕銀在二萬以上著照程棟各犯之例補行予勾其侵蝕在一萬以上之史載衡著依擬應斬入於秋審情實仍牢固監候餘依議

丙寅湖廣總督舒常湖北巡撫鄭大進奏言甘肅折收冒賑案內原任甘肅靖遠縣知縣麥桓由粵解甘收審於十月十五日入湖北蒲圻縣境茲據黃陂縣知縣陳士鳳稟報麥桓解至該縣瀝口地方於二十一日病故等情臣等隨飭代辦臬司事

鹽法道張廷化等星赴相驗據稟覆驗明實係病  
故委無別項情弊並將該員役等帶省臣等覆加  
訊問無異隨移咨陝甘督臣廣東撫臣查照奏入  
上諭內閣曰麥桓係解甘審辦要犯中途身死保無畏  
罪服毒自盡情弊不可不嚴行查究著刑部堂官派  
委能事司員帶領熟諳作作馳驛前往詳細檢驗毋  
得草率行事

十二月壬寅

上諭內閣曰前據陳輝祖查抄閔鵠元原籍貲財其家祇存銀三兩殊堪駭異毋論閔鵠元在甘肅同知知縣任內侵蝕帑項盈千累萬其運回家貲必不止此即閔鵠元久任巡撫所得養廉優厚豈忍令其胞弟貧乏至此非陳輝祖查辦時任聽委員欺隱隨意開報即閔鵠元之家屬聞風預為寄頓閔鵠元在江蘇離伊原籍甚近豈無見聞乃任其私自隱藏希圖事後安事實為朦混欺飾曾降旨嚴行申飭令其明白

回奏茲據閔鶚元覆奏請將伊名下原籍任所財產  
一併恭繳入官並請革職交部治罪等語何必為此  
不衷過甚之辭乎甘肅自王亶望為藩司首先作俑  
與通省屬員捏災冒賑聯為一氣其案內人犯現已  
審明侵蝕銀數多寡按律問擬其查抄各犯家產因  
此事發覺已久隱匿寄藏財產者亦不獨閔鶚元一  
人且以全案而論有王亶望之喪心侵冒無怪有閔  
鶚元之事後藏匿陳輝祖閔鶚元之互相欺隱轉不

直一喙朕嘗謂不為已甚正謂此也然不得不明揭  
伊等之私者恐伊等遂謂朕易欺也封疆大臣理宜  
公忠體國實心任事不得稍存欺飾今閔鶚元於伊  
弟翫法營私諸事既不能管教於前及發覺查抄又  
任其隱匿侵欺於後即伊具摺自陳亦難以解免試  
令清夜捫心其亦知愧知懼否耶所請革職治罪及  
呈繳家產之處朕究不為已甚均著加恩寬免將此  
通諭中外知之

甲戌工部侍郎德成奏言

臣奉

命于十一月初七日行抵蘭州會同總督李侍堯逐一  
詳勘查得蘭州大城一座東西南三面俱有外城  
計長二千六百六十七丈五尺據阿桂等原奏內  
因山高於城鎗礮可及擬將西面一帶外城全行  
折去其正南一帶去山尤近將拱蘭門南北城兩  
段亦擬折去仍留東西城二段中間不接處所築  
新城一段並將拱蘭門移建于此至大城西南角

與外城不接之處又添築新城一段又東面外城  
東西長而南北窄南北展寬添築城二段將原有  
東西城二段折去大城西門外添蓋甕城一道臣  
照例核估得新築城一千一百三十六丈五尺需  
工料銀十萬一千三百三十二兩零折去舊城二  
千七十一丈其拆卸創運平墊地基需工價銀一  
萬九千二百九十兩零磚甕城一道並門樓城臺  
馬道等項需工料銀二萬八千二百五十五兩零

共工料應需銀十四萬八千八百七十八兩零至  
原奏華林山添建營堡移駐官兵查督標右營兵  
六百六名需兵房一千二百間官弁十九員需衙  
署房間一百四十一間共核計工料銀五萬八千  
三百六十一兩零至城堡一項查甘省土城甚多  
似無庸修建磚城徒致多費擬建土城一座圍長  
三百八十一丈四尺底寬一丈六尺頂寬一丈二  
尺其南面近倚高崗東西北三面各建門樓一座



又設角臺四座共核計工料銀五萬二千七十七兩零又原奏華林山以東於龍尾一帶險要處所設墩四座臣照依原定地盤處所造空心大墩四座估需工料銀三萬三千四百六十兩零以上各工料統共約計銀二十九萬二千七百七十八兩零至華林龍尾二山蜿蜒起伏直逼蘭城西南兩外城門有憑高瞰下之虞是以原議將兩外城折去展寬今華林山建城立營龍尾一帶接連添設

墩座則聲勢聯絡緩急相應環衛可以無虞似不必再事更張若外城門樓等項間有殘缺亦不過畧為修整需費銀一千七百三十三兩零再前此兵民守城時將大城磚塊拆卸擊賊多殘缺不完亦應即時修整以壯觀瞻而資守禦共估需工料銀一萬六千四百五十二兩零如此辦理則內外二城俱可完整亦不過用銀一萬八千一百八十五兩零可節省銀十三萬六百九十二兩零

臣謹

將實在應辦情形核擬具奏伏乞

皇上訓示遵行奏入

上勅軍機大臣會同該部議奏旋經軍機大臣等議言  
應如所奏止將內外城殘缺毀壞處所繕修完整  
餘一切仍循其舊至華林山營堡雖據該侍郎勘  
估止須築土為城自不若磚砌城牆之更為堅實  
且磚城固較土城多費而統計無需改建各工仍  
大有節省應交李侍堯將營堡改用砌磚需用銀

兩核實勘估具奏奏入得

旨如所議行

庚辰李侍堯奏言准四川貴州委員解到捐監冒  
賑案內叅革原任直隸肅州知州王汝地前任河  
州知州今陞黎平府知府楊賡颺二犯臣即率同  
兩司逐加研訊據王汝地供認侵冒賑銀四萬四  
千六百餘兩應照侵盜錢糧一千兩以上例擬斬

請

旨即行正法楊賡颺供認侵冒賑銀六千餘兩查該犯在貴州並不實供有心狡飾應請照侵盜錢糧一千兩以上例擬斬監候遵

旨從重入於秋審情實再王汝地贓在四萬以上所有該犯之子應發伊犁充當苦差長子王錫葵捐納鹽大使分發福建次子王錫蕃現在原籍臣已飛咨各該省解甘發遣奏入

上勅該部覈擬速奏旋經刑部奏言應如該督所奏辦

理得

旨王汝地侵蝕銀在二萬兩以上著照程棟等犯之例  
補行予勾其侵蝕在一萬兩以上之楊賡颺著依擬  
應斬入於秋審情實仍牢固監候餘依議

壬午李侍堯奏言

臣

前以吳鼎新一犯捐監捏結

冒賑並收受屬員銀兩又復冒請建倉是以從重  
定擬請

旨即行正法嗣接准部咨覆加詳覈此案定擬究應以

冒賑捐監為重吳鼎新除建倉浮冒外所有侵蝕銀數係在一萬兩以內應照侵蝕錢糧一千兩以上擬斬監候又有冒請建倉應遵

旨從重定擬入於明年秋審情實奏入報

聞

丙戌李侍堯奏言甘省止捐監生並未辦賑各員內有冒請建倉之趙明旭邵維賢郭之屏劉垌田志蒼等五犯除田志蒼郭之屏已准直隸江西督

撫咨明該犯等業經病故所有捐監建倉銀兩應  
於查封家產項下賠抵其現在甘省之趙明旭邵  
維賢二犯建倉銀數俱在一千兩以內臣定擬發  
遣新疆具

奏經部覆准惟劉炯一犯前經順天府奏交刑部候  
甘省定擬辦理臣查該犯在徽縣任內捐監一百  
名應賠銀八百兩既經查抄家產賠抵無庸議外  
其建倉冒銷銀三千八百餘兩應照侵蝕錢糧一



千兩以上例擬斬監候秋審時請

旨定奪奏入

上勅該部議奏旋經刑部奏言應如該督所奏劉炯擬斬監候秋後處決至劉炯長子劉士鑾於查抄家產時將地畝紅契密帶身邊希圖隱匿計所隱契價銀七百二十兩零應將劉士鑾革去廩生杖一百徒三年又次子劉士鋒以副榜就職州判加捐分發河南試用五子士錕在甘捐監俱值劉炯徽

縣任內之時劉士鋒除中式副榜毋庸議外所捐分發州判應咨部斥革并將劉士銳革去監生追照繳銷奏入

上諭內閣曰刑部奏審擬甘肅侵冒案内原任河州知州葉中之子捐納通判葉椿業已革職毋庸議又原任徽縣知縣劉垌擬斬監候伊子劉士鑾等分別杖徒斥革二摺實屬非是葉中在知縣任內折收冒賑贓數累累係應擬斬候入於情實之犯因其身故得

倖逃顯戮伊子葉椿在館充當謄錄乃因伊父事發先行出京逃匿及拏獲到案後以伊母患病回籍探望語託行孝巧詞支飾尤為可惡自應發遣伊犁乃刑部以該犯一面之詞僅將葉椿革去官職不復置議甘省此案上下勾通侵帑剥民盈千累萬為從來未有之異事案內各犯俱屬法無可貸其有酌從寬減者實為朕法外之仁刑部係執法衙門仍應按律問擬果有情節可原即當聲明請朕酌量加恩何得

徇情寬縱以沽感譽看來該堂官等因英廉現在出差竟好為姑息以博寬厚之名實大不是所有葉中之子葉椿著發往伊犁充當苦差其劉垌雖止捐監未經辦災但有建倉冒銷銀三千餘兩係擬斬監候之犯伊子劉士鑾於查抄家產時膽敢將地畝契價私行隱匿情殊可惡劉士鑾著一併發往伊犁充當苦差其劉士鋒中式副榜一併革去以示懲儆所有問擬寬縱之刑部堂官俱著交部嚴加議處餘依議

同日李侍堯奏言准浙江山東委員解到叅革前任張掖縣知縣陶士麟前任漳縣知縣孫元禮二犯<sub>臣</sub>即率同兩司研訊據陶士麟供侵冒賑銀一萬二千一十六兩捐監盈餘銀七千兩又據孫元禮供侵冒賑銀九千兩共領實收四百五十張內有未捐捏報已捐即在賑案內開銷侵蝕銀一千七百五兩查陶士麟孫元禮入已贓私俱在一萬兩以上應照侵盜錢糧一千兩以上例擬斬監候

入於明年秋審情實奏入

上勅該部議奏旋經刑部等議言應如所奏辦理得  
旨如所議行

丁亥

上命軍機大臣傳諭阿桂李侍堯曰蘭州外城西南兩  
面緊接華林龍尾山麓阿桂等議將此兩面外城折  
去俾城根距山稍遠不致有俯瞰下壓之虞原為保  
護城隍起見但今既添建營堡墩臺移駐重兵則兩

山聲勢聯絡可以環衛大城況成功不毀何必復多  
費帑金將舊有土城折去改繕且西南兩關廂民居  
稠密若概令遷移撤去房屋小民恐多未便即所議  
擴建之東城關廂亦未必能安插許多烟戶自不若  
一切仍循其舊從前德成勘估查奏時朕已早經諭  
及至營堡一項軍機大臣等議用磚砌更為堅實永  
久請交該督另行核實勘估但華林諸山岡阜聯絡  
其中所產虎皮石料必多若即用此項塊石疊砌鉤

抵不特取携較便而工程尤為鞏固但該處採取石料是否便易較之燒磚工價孰為節省著傳諭李侍堯查明據實確核具奏

乾隆四十七年正月庚子

上諭內閣曰甘省自王亶望為藩司與蔣全迪等通同一氣侵帑婪贓種種不法為從來未有之奇貪異事內外諸大臣俱隱忍不言竟無一人舉發陳奏而陳輝祖閔鶚元之胞弟尤係案內人犯其平日家信往



來必有確切音問屢經降旨詢究乃始終掩飾支吾不肯奏出實情及嚴切究問若再如前巧言搪塞不但將伊等交部審訊朕必親自廷鞫今始據陳輝祖閔鶚元等各奏稱伊弟婪贓舞弊從前亦有所聞并有家信往來祇因一經陳奏恐伊弟必罹重罪是以隱忍瞻徇致涉欺飾實屬罪無可逭請交部嚴加治罪等語是伊二人之知而不舉俱已自行供認如出一口似屬實情至此案未經發覺之先朕已早有風

聞因案情重大徘徊遲疑者已閱數年昨歲因蘓四十三之事遣大學士阿桂等統兵往勦伊等摺內常稱連得雨澤因降旨詢問該省向來年年報旱何以今歲得雨獨多其中必有捏飾情弊因而層層致詢顯露端倪阿桂李侍堯亦知事難掩覆遂和盤托出朕思其事不得以人數稍重竟置不問但朕深以不能道德齊禮使伊等格心方引以為愧至齊之以刑尤屬不得已之苦心陳輝祖閔鶚元畢沅俱係讀書

之人當明禮義豈不知朕辦理此案之始末乎毋論  
陳輝祖閔鶚元各有伊弟在甘省其一切通同弊混  
之事朕早知其必有確切音信來往即畢沅久任陝  
西巡撫並在甘省兩署督篆於該省各州縣侵冒官  
帑歷年積弊亦無不知之理乃竟敢巧為支飾欲於  
朕前嘗試乎五倫莫重於君父子為父隱尚為情理  
所有古純臣大義滅親父且有不能為子隱者況兄弟  
手若以弟婪贓不法恐逕行舉發罪及其弟因而為

之隱忍是祇知有手足之私情而不知有君臣之大義顛倒瞽亂莫此為甚且陳輝祖等若於此事未經敗露之先早為陳奏朕必嘉其公正不但不加之罪必特為褒獎以風厲舉朝諸臣之緘默不言者即未減其弟之罪亦未可知是伊二人之弟蹈於重罪乃伊二人使之然也伊等既甘心隱忍於前及降旨詢問猶復希圖掩護隱躍其詞於後仍冀日久或有憐伊二人為因弟受屈者尚得謂之有天良者乎此時

即將陳輝祖閔鶚元革職交刑部治罪伊等亦無可置喙但朕斷不肯因伊弟株連遽置重典且此案內外大臣皆知而不舉又何獨歸罪於陳輝祖閔鶚元二人現在督撫一時乏人陳輝祖閔鶚元尚屬能事著加恩免其治罪仍照畢沅之例降為三品頂帶各留本任所有應得職俸養廉永行停止以示懲創嗣後陳輝祖閔鶚元畢沅俱不許進呈貢物即尋常土貢亦著一例停止陳輝祖等務各返躬思愧洗心滌

慮潔已奉公庶幾可以稍贖前罪如或因停廉俸藉詞需索致有簠簋不飭之事王亶望是其前車朕必加倍重治其罪不能再為曲貸也

辛酉李侍堯奏言

臣

前因拏獲逆回韓阿渾據供

蘓四十三往攻河州時令伊在後糾人接應被循化官兵及老教回民截殺衝散等語恐從逆匪徒一經衝散竄匿潛藏以致餘孽漏網即嚴飭文武員弁派撥幹練兵役於要隘處所偵緝截拿昨據

臬司福寧稟稱聞碾伯縣屬東灣鰲頭等處有回  
匪馬三十九等潛藏在彼傳習念經已密差幹役  
赴彼跣訪的確即會同該處文武添差兵役協拏  
旋據拏獲馬三十九馬滿會馬三十七馬鬍子等  
四犯解省臣率同司道嚴加審訊馬三十九等各  
供認附從馬滿會傳習新教臣伏查逆匪勦除所  
有從前被其煽誘者自應咸知畏懼即使原係新  
教如果改歸舊教悔過安分亦不妨許以自新之

路乃該犯馬三十九馬滿會猶敢仍稱掌教阿渾  
復留新教名目而馬三十七馬鬍子從而附和念  
經實屬怙惡不悛自宜速置典刑以昭

國憲

臣

隨於去年十二月二十四日將該犯等綁赴

市曹處斬並將首級傳示西寧碾伯等處俾各  
回衆觸目警心皆知畏法至各犯家屬現已拏獲  
俟解到日照例分別發遣奏入報

聞



同日李侍堯奏言查甘省捏結各道府直隸州共  
五十三員俱已陸續解到臣率同兩司確加研訊  
除蔣全迪陸瑋宋學淳黎珠崧柱王汝地六犯已  
經正法魏椿年楊士璣德明汪世琳李承瑞博赫  
張何衢康基淵八犯已經身故李本楠侯作吳謝  
桓董熙宗開煌奇明周人傑朱蘭吳鼎新九犯俱  
於冒賑案內擬斬又郭昌泰一犯係捐監侵蝕并  
收受屬員銀兩又因狡供支飾從重定擬斬候情

實又趙明旭一犯因冒建倉廩另擬發遣新疆外  
其劉光昱文德奎明王曾翼永齡程國表福明安  
彭永年彭時清觀亮郭照興德勵學沂等十三員  
於監糧災賑俱經捏結又秦雄飛觀祿黃元圮姜  
興周富斌諾明阿等六員係於折收案內捏結以  
上共十九員訊明並未收受屬員餽送銀兩止係  
捏結之員業經革職查抄應毋庸議惟查陳之銓  
熊啟謨潘時選張金城汪臯鶴陳庭學鍾賡起等

七員俱係收受屬員餽送銀兩臣復逐一質訊據各員供認不諱查陳之銓收受餽送銀五千三百兩潘時選收受餽送銀四千六百兩張金城收受餽送銀二千五百兩熊啟謨收受餽送銀一千八兩汪臯鶴收受餽送銀一千四十兩俱在一千兩以上雖審明並無與屬員勾通舞弊侵盜分肥情事但其所受銀兩自係監糧冒賑之銀應照侵盜問擬請將陳之銓潘時選張金城熊啟謨汪臯鶴

照侵盜錢糧一千兩以上例擬斬監候陳庭學收  
受餽送銀一千兩鍾賡起收受餽送銀五百兩俱  
在一千兩以下應照侵盜錢糧一百兩以上至一  
千兩杖流律從重改發新疆効力贖罪又彥方前  
署秦州并平番縣任內雖審明並未辦過災賑亦  
未收受屬員銀兩但捐監一千三百名俱係折捐  
將銀抵糧移交接任該犯在京供稱買穀歸倉實  
屬捏飾應照奉

欽定四庫全書

卷十九

制推按問事報上不以實者杖八十徒二年律將彥方杖八十徒二年係旗人解部鞭責發落奏入

上勅軍機大臣會同該部議奏旋經軍機大臣等議言應如所奏辦理得

旨如所議行

同日李侍堯奏言准雲南福建廣東委員將前任永昌縣知縣鄭科捷前任渭源縣知縣陳起撫現任高州府知府前任西寧縣知縣周人傑前任漳

縣知縣劉治傳前任循化同知陞任知府張春芳  
等五犯押解來甘臣即率同兩司逐加研訊據鄭  
科捷供侵冒賑銀一萬四千餘兩捐監盈餘銀六  
千六百兩請添建倉廩浮冒銀七千餘兩陳起撫  
供侵冒賑銀一萬三千五百餘兩捐監盈餘銀四  
千一百兩周人傑供侵冒賑銀七千兩捐監盈餘  
銀一千五百兩收受屬員餽送銀五百兩劉治傳  
供侵冒賑銀七百兩捐監盈餘銀二百五十兩張

春芳供侵冒賑銀七百兩查鄭科捷侵冒銀二萬兩以上又有建倉浮冒銀七千餘兩應照侵盜錢糧一千兩以上例擬斬請

旨即行正法陳起搗侵冒銀一萬兩以上應照侵盜錢糧一千兩以上例擬斬監候歸於本年秋審情實周人傑侵冒銀兩雖在一萬兩以下但該犯前在廣東審訊時不吐實情有心狡飾應照侵盜錢糧一千兩以上例擬斬監候從重歸入本年秋審情實

劉治傳張春芳二犯侵冒銀俱在一千兩以下應  
照侵盜錢糧一千兩以下例杖一百流三千里奏

入

上勅該部核擬速奏旋經刑部議言應如所奏辦理

上諭內閣曰鄭科捷侵蝕銀兩在二萬兩以上著照程  
棟等各犯之例補行予勾侵冒一萬兩以上之陳起  
搗著入於秋審情實仍牢固監候其侵冒不及一萬  
兩以上之周人傑著依擬應斬監候統俟本年情實



官犯勾到時刑部聲明請旨分別辦理餘依議

同日

上諭內閣曰甘省折收冒賑案內侵帑捏結各員業據李侍堯審明分別定擬具奏至臬司福寧前在平慶道任內扶同捏結本應革職抄產第念該員於此案舞弊實情首先供出且於搜捕安定等處逆首馬明心家屬黨羽尚屬出力福寧著革職從寬留任俟八年無過方准開復



欽定蘭州紀畧卷十九

欽定四庫全書

欽定蘭州紀畧卷二十

癸亥李侍堯奏言查蘭州大城毋庸展築新工止  
須完葺舊城仰荷

聖明指示欽遵辦理至華林山建築土堡或加砌磚工  
或改用虎皮石復蒙

諭旨垂詢

臣

查省城附近諸山俱係土岡聯屬向不產

石須於九十里之外打磨溝地方採取計算開採

價脚及灰勛匠工較原估土堡加增銀三萬二千六百六十餘兩若燒磚加砌計增銀一萬五千四百四十餘兩是磚工較省於石工至甘省土堡甚多若加工堅厚儘為鞏固其中建設兵房駐劄兵丁均敷安置自不如節省之為便華林山堡似可仍用土工但使工歸實用自能堅固永久奏入

上從之

乙丑

欽定四庫全書

與虛出通關無異按律科罪實所應得祇因甘肅通  
省各官情罪更有重大於此者不得不於嚴示創懲  
之中特予加恩末減設在他省則執法定擬秦雄飛  
諸人烏得竟置勿論且道府為方面大員訪察屬員  
是其專責即有上司抑勒何難直揭部科乃甘為扶  
同出結國家亦安用此道府為乎現在全案爰書已定  
前任捏結之道員秦雄飛等俱已格外加恩赦令回  
籍嗣後自當永不錄用以儆官邪各省道府各官有

稽查結報之責者均當引為前鑒倘有似此誣捏袒庇之事一經察出朕必按律重治其罪不得以秦雄飛等諸人之例謂可倖邀寬宥也

三月乙卯李侍堯奏言甘省倉庫虧空一案臣於上年九月內將查出虧短銀兩約共一百餘萬先行奏

聞茲據各州縣查明並無虧空之秦州等三十八廳州縣該管各道府加結具報外其皋蘭等三十四廳



州縣虧短倉庫確數如應解地丁耗羨雜稅茶課  
改折倉費及舊案軍需核減節年平糶價銀渠工  
經費雜款等項共銀八十八萬八千九百九十餘  
兩常平監糧徵收民屯糧草籽種口糧等項共糧  
七十四萬一百一十餘石草四百五萬一千七十  
餘束俱係歷任州縣侵虧臣查甘省積弊相仍折  
捐冒賑業已盈千累萬乃於倉庫正項復敢任意  
侵欺甚至應放籽種口糧亦有侵冒種種昧良舞

弊迴出意計之外雖各犯均於折捐冒賑案內業經正法及問擬重辟但

國帑未便全歸無着自應著落分賠臣查甘省虧空之弊其來已久並不始於近年現在細核冊檔自雍正年間至乾隆二十年以前各處即有虧欠不清之款銀自數十兩至千餘兩糧自數十石至千五百石迨乾隆二十年以後積習相沿虧空日甚一日多者至有萬餘各州縣轉相容隱接收上司

亦因循不辦捏結保題釀成銅弊以致後任各州縣毫無忌憚任意侵欺至于此極現今查出乾隆二十年至四十年虧項積有四十二萬俱係那新掩舊是督撫司道以下各官均不能辭咎今四十年以後自總督以至州縣俱已治罪抄產無可再議追賠其四十年溯至二十年之歷任州縣道府藩司督撫自應即照伊等任內虧空四十二萬之數著落加倍賠補擬令督撫一成藩司一成道府

三成州縣五成照股分賠此內如有無力完繳者  
即入通案各員名下分賠其尚有八十二萬餘兩  
請於臣及司道府廳州縣各養廉內擬賠完項查  
通省養廉一年共有十二萬餘兩約留七成以資  
辦公每年擬扣三成陸續歸補奏入

上命軍機大臣傳諭李侍堯曰甘省倉庫正項銀兩竟  
敢任意侵欺即令加倍賠補亦所應得但念歷年已  
久各員輾轉接收較之折捐冒賑昧良舞弊者尚屬

有間其濫行出結保題之各上司咎止失察著加恩  
將虧空四十二萬之數按其在任久暫照股分賠毋  
庸加倍賠補至該督所稱尚有八十二萬餘兩請於  
現任總督及司道府廳州縣各員養廉內攤三成陸  
續歸補等語此等劣員既經冒賑殃民又復侵虧正  
帑實屬罪無可逭除已經正法各犯外所有現在解  
部人犯已交軍機大臣會同英廉胡季堂劉墉詳加  
核奏候朕另降諭旨至李侍堯福崧等辦理此案徹

底清查尚屬實心即現在道府及州縣各員多係新任若令攤扣養廉辦公未免竭蹶且恐將來轉有藉詞賠累復致虧缺之弊並着一體加恩免其分賠此次寬免之後若再有虧短一經查出斷不能為之曲貸該督等仍當不時查察毋得稍有徇隱

同日李侍堯奏言查辦甘省各屬虧空錢糧案內有節年民欠未完籽種口糧銀一項內除歷次邀恩豁免外尚有應徵積欠倉斗糧二百四十五萬

四千八百三十餘石折色銀三十萬七千三百二十  
十餘兩請分年帶徵奏入

上諭內閣曰甘省地瘠民貧朕從前節年加恩出借緩  
徵用紓民力在小民感激朕恩自無不踴躍輸將但  
念該省每遇偏災動項賑恤多為劣員等侵蝕冒銷  
閭閻未得普沾實惠甚非朕愛養黎元之意今該省  
積弊已除所有此項積欠銀糧著加恩全行豁免以  
示朕體恤邊氓有加無已之至意

臣等謹案甘省民人節年上廛

宸衷發帑賑卹并借給籽糧緩徵逋豁

恩施極為周渥乃因劣員通同侵冒致

膏澤未獲普霑茲當清釐積弊之餘小民得均蒙實惠

輿情抃慶自益踴躍輸將我

皇上軫念彌殷所有應徵積欠糧二百餘萬石銀三十

餘萬兩概予蠲除浩蕩

恩施有加無已邇氓感荷



生成益當鼓舞倍萬云

同日李侍堯奏言甘省虧空案內有各州縣因辦理班禪額爾德呢經過地方借用司府各庫貯銀十七萬五千五百餘兩此內雖有實應動支之項然斷不如此之多其承辦官員俱已於冒賑案內抄產正法現在無從著落賠補請定限于全省官員養廉內陸續扣賠奏入

上諭內閣曰據李侍堯奏甘省各州縣辦理班禪額爾

德呢過境借用庫貯銀兩一項此係從前承辦各員  
藉端冒支該員等俱已查抄治罪無從跟究若令無  
干之後任官員抵賠將來辦公不敷又得藉詞致有  
虧缺是因去弊而轉復滋弊所有此項銀兩著一併  
加恩豁免該部知道

四月壬辰軍機大臣等奏言李侍堯摺內稱甘省  
積弊相仍折捐冒賑業已盈千累萬乃倉庫正項  
復敢任意侵欺甚至糧石草束亦有侵冒等語查

甘省虧空各犯除冒賑案內業經正法者毋庸置  
議外其餘部各犯中有冒賑一萬兩以上問擬斬  
候即應入于情實今復查出虧空銀糧草束者六  
犯閔鵬元虧空各項計銀五萬九千五百四十兩  
零杜耕書虧空銀三萬三千七百七十兩零楊有  
澳虧空銀二萬八千五百八十兩零福明虧空銀  
三萬二千九十兩零林昂霄虧空銀四千九十兩  
零王璠虧空銀三萬二百二十兩零又冒賑贓本

在一萬兩以下問擬斬候應於秋審時請

旨分別辦理今復查出虧空銀草糧束等項如顧汝衡  
虧空銀三萬一千二百七十兩零墨爾更額虧空  
銀二萬二千八百兩零趙元德虧空銀一萬七千  
八百八十兩零龐樑虧空銀二萬六千一百四十  
兩零沈泰虧空銀一萬七千四百九十兩零以上  
五犯統計前後侵虧各項均在二萬兩以上又董  
熙虧空銀一萬三千三百兩零丁愈虧空銀二千

九百八十兩零華廷賜虧空銀六千一百六十兩  
零章汝楠虧空銀三千二百兩李弼虧空銀七千  
三百七十兩零葉觀海虧空銀六千九百八十兩  
零以上六犯統計前後侵虧各項雖均在二萬兩  
以下但查各該犯本係冒賑營私通同舞弊法無  
可貸仰蒙

皇上天恩姑予監禁暫緩刑誅已屬恩施格外乃續查  
出各犯任內于倉庫正項膽敢肆意侵蝕雖虧空

數目多寡不同實難再為區別應請將原擬斬候  
之閔鵬元杜耕書楊有澳福明林昂霄王璠顧汝  
衡墨爾更額趙元德龐樾沈泰董熙丁愈華廷颺  
章汝楠李弼葉觀海等十七犯一併請

旨即行正法奏入

上諭內閣曰軍機大臣會同英廉等將李侍堯奏閔鵬  
元等十七犯續查出任內虧缺銀糧草束等項核擬  
具奏請旨即行正法此案閔鵬元等犯于甘省歷年

灾賑項下婪得多贓數至盈千累萬上年辦理通案人犯時因擬入斬決人數衆多不得不畧為區別而該犯等侵冒銀數亦尚在二萬兩以下是以姑從寬改為斬候令刑部入于本年秋審情實臨時再行請旨朕于辦理庶務從不為已甚如該犯等情節有一綫可原者尚欲加恩曲宥今據李侍堯續行查奏該犯等任內又有虧缺于銀糧草束各項多者至五萬九千餘兩即至少者亦有數千餘兩是于捏灾冒賑本

罪之外又復任意侵欺毫無顧忌多一虧空罪名實  
為從來所未有此而不辦何以懲貪黷而申國憲閔  
鵷元等十一犯總計前後侵虧銀數均以在二萬兩  
以上罪實無可復逭閔鵷元杜耕書楊有渙覺羅福  
明林昂霄王璠顧汝衡墨爾更額趙元德龐樾沈泰  
均著即處斬其董熙等六犯依議斬決亦屬罪所應  
得但其冒賑并虧空銀兩合計尚在二萬兩以下董  
熙丁愈華廷颺章汝楠李弼葉觀海俱著從寬改為



應斬監候秋後處決俟本年朝審勾到時刑部請旨  
辦理所有閔鷓元等著派胡季堂福長安景燭前往  
監視行刑即將此旨宣諭該犯等使知情真罪當實  
由自取並將此案分別辦理緣由通諭中外知之

七月乙卯

上諭軍機大臣傳諭留京辦事王大臣刑部堂官曰朕  
昨閱蘭州紀畧于賊匪蘇四十三肆逆時謝桓協同  
循化廳營前往賊巢擒獲多犯並隨總兵貢楚克達

爾收復河州甚為勇往又宗開煌萬邦英董熙等于  
逆匪圍困蘭州時晝夜在城督率民夫防守又黃道  
熙在安定縣拏獲馬明心均屬出力念伊等從前尚  
有微勞于萬無可寬之中求其一綫生路著傳諭留  
京王大臣並刑部堂官將監禁各犯逐一通查原案  
如有似謝桓等情節曾經阿桂等委派兵務實在出  
力著有勞績者即行據實具奏並將此旨宣示各犯  
許其詳實自行據實呈明俟奏到時交軍大臣詳晰

查核再降諭旨

八月乙丑

上諭內閣曰上年甘省捏灾冒賑侵蝕監糧一案其婪得銀數在二萬兩以下各犯俱問擬斬候情實于本年勾到時刑部分別請旨昨閱蘭州紀畧于逆回蘇四十三肆逆時謝桓宗開煌萬邦英董熙黃道照五犯或前往賊巢擒獲多犯或于逆匪滋擾蘭州時晝夜在城督率民夫防守或在安定縣拏獲教首馬明

心因念伊等從前曾有微勞當即傳諭留京辦事王大臣會同刑部堂官將現在擬斬監禁各犯逐一通查原案有無似謝桓等情節曾經阿桂于摺內聲叙出力者許其自行陳訴一併交軍機大臣核辦茲據留京王大臣等覆奏除謝桓等五犯外其餘麻宸申寧吉等二十八犯供稱或在蘭州隨同守城或拏獲餘黨及辦運軍糧等事當經軍機大臣查奏所訊各該犯供詞核之阿桂等上年原摺並未將該犯等在

事出力之處聲叙或因各該犯隨同効力非出色之員是以阿桂等摺內未經提及請交李侍堯再行詳晰確查具奏等因此案人犯侵帑殃民俱屬法無可貸因念王亶望等之肆行侵冒舞弊營私皆係朕平昔寬仁未免失之姑息以致各該犯毫無忌憚所謂水懦民玩朕甚愧之今復因人數衆多不忍概予駢誅不得不又寬一綫所有謝桓等五犯從前既據阿桂等奏明曾經在事出力朕不肯沒此微勞謝

桓宗開煌萬邦英董熙黃道貶俱著從寬免死發往  
黑龍江充當苦差但伊等情罪重大不加顯戮已屬  
格外施仁嗣後雖遇大赦各該犯等不得援照省釋  
伊等所生親子亦不准應考出仕以示懲儆其餘麻  
宸等二十八犯所供各情節是否確實并著李侍堯  
再行詳細查明具奏到日另降諭旨其各犯供詞一  
併發交李侍堯核對朕于案內各犯非不欲求其可  
生之路但求其生而不得則朕亦無如之何直省大

小官員嗣後務須潔已奉公毋蹈覆轍如再有此等之以侵貪敗露者朕必按律嚴懲不少寬貸勿以現今甘省應正法者多獲寬免仍以身試法僥倖苟免庶不負朕諄諄教誡之至意

臣等謹按入臣有守土之責者惟當潔已奉公  
宣布

德意乃甘省州縣各官侵拏殃民法無可貸雖當逆回滋擾時有協同守城及委運軍糧諸事原屬

分所應為未足言功又豈能逃罪我

皇上法外施仁於萬無可原之中求一綫可寬之路追  
原在事稍為出力如謝桓等五人外復令確查  
情節許各犯自行陳訴並交該督李侍堯核對  
相符即

特沛恩綸免其顯戮仰見

大聖人好生之心同符

造化俾地方官鑒彼前車不以為徼幸而以為愧耻則赦



過宥罪之

仁卽道德齊禮之教也已

甲申李侍堯奏言伏查去歲逆回滋擾事起倉卒一切守禦巡防及軍需供應在在需人經前任督臣勒爾謹藩司王廷贊臬司福崧先後調派各員分辦迨臣抵任時逆匪尚未勒除復有續行派委者事平之後卽值查辦監糧冒賑之案各犯內縱有微勞不足抵其重罪今蒙

恩旨垂詢

臣

謹案各犯供詞確核彼時情事均屬約畧

相同尚非虛飾內有麻宸尤永清賈若琳彭永和  
張毓琳李本楠史堂舒王龍八犯當賊匪初起之  
時或協同守禦省城或派防本境要隘或督辦軍  
糧或盤獲奸細並於河州循化安定伏羌等處拏  
獲逆黨要犯均有案據可查至如申寧吉汪鶴皋  
錢成均善達朱蘭王旭蒲蘭馨七犯亦經在省協  
同防守並派辦收支糧草查安東路軍報臺站押

送在山打伏兵丁口食奔走差委均屬實情又如  
丁愈承志常之瑗張金城章汝楠華廷颺李弼謝  
廷庸宋樹穀侯作吳葉觀海陳金宣十二犯均在  
各本境防守並有辦運糧草牛羊協濟騾馬照料  
征兵起程過境等事查各該犯本境距省城河州  
循化遠近不一其離省寓遠者所供督率兵民防  
守無憑確悉即在賊氛較近之區守禦城池亦屬  
職分應為之事但核其承辦軍需一切供支照料

均無貽悞惟閔焜一犯先經告病離甘嗣因查辦  
冒賑一案經臣行文原籍吉林查拏並未回籍迨  
十月間始經陝西拏解來蘭則所供隨同防守蘭  
城顯係畏罪捏飾之詞奏入

上諭內閣曰據李侍堯覆奏麻宸等各犯供詞確核彼  
時情事均屬約畧相同尚非虛捏惟閔焜一犯先經  
告病離甘因查辦冒賑一案行文原籍吉林查拏並  
未回籍迨十月間經陝西拏解來蘭並未隨同防守

蘭州等語所有麻宸等二十餘犯交軍機大臣核其  
情罪另降諭旨外至此案前令各犯等自行陳訴原  
係朕格外施仁該犯等稍有人心自應據實直陳乃  
閔焜已久經告病離甘之員竟敢捏稱守城希圖倖  
逃法網實屬喪盡天良情節更為可惡是該犯不必  
論其侵蝕銀兩多寡就此冒功欺罔一節即當立正  
典刑著刑部堂官將閔焜一犯提出宣示諭旨押赴  
市曹即行處斬並將此情節明白曉諭各犯使共知

昧良冒功轉難倖免也

丙戌軍機大臣奏言臣等遵

旨將前奉

恩旨免死發遣萬邦英等五犯核其侵冒銀數萬邦英  
侵銀一萬九千餘兩為數最多謹將李侍堯查明  
各犯內除閔焜一犯現今奉

旨正法又華廷颺一犯現據刑部咨明在監病故外其  
餘共二十六犯所侵銀數與萬邦英比較分別開

單並將原擬罪名及各情節詳悉註明恭呈

御覽又遵

旨將逆回滋擾時已離甘省各犯內除王夢麟一犯現  
亦據刑部咨明在監病故外共二十三犯分別開  
單一併進

呈奏八

上諭內閣曰據李侍堯查奏舒玉龍等各犯或協同守  
禦派防要隘或委辦軍糧搜獲餘黨不過稍効微

勞俱係伊等職分應為之事並非若萬邦英等五犯  
之在事出力經阿桂等奏明給予議叙者可比然數  
十人駢首就戮朕心實有所不忍但此內如善達  
承志身係滿洲用為知縣尤當潔已奉公以盡職守  
而遇有上司抑勒婪索等事即應直揭部科或告病  
回旗乃竟慙不畏法隨同侵帑殃民營私舞弊似此亦得  
倖邀寬免旂員更何所儆懼耶善達承志仍著交刑  
部入于朝審辦理其舒玉龍等所供在甘効力之處



既屬確實萬邦英等五人既經免死則舒玉龍李本楠彭永和麻宸丁愈章汝楠李弼葉觀海錢成均陳金宣王旭朱蘭常之瑗尤永清宋樹穀蒲蘭馨侯作吳賈若琳史堂申寧吉謝廷庸張毓琳張金城汪臯鶴二十四犯亦可從寬免死發往黑龍江充當苦差仍照萬邦英等之例雖遇大赦不得援照省釋該犯等所生親子亦不准應試出仕以示懲儆朕辦理諸案常以水懦民玩失之姑息為愧今于舒玉龍等因

人數衆多不忍加之駢戮宛轉求其生路仍不免于姑息此實朕矜慎庶獄不得已之苦心亦天下臣民所共見者至此案舒玉龍等各犯俱應立置重典特因其于蘇四十三之事稍經出力即得仰邀末減此後凡身任地方之責者設遇賊匪竊發尤宜共矢天良力圖報効庶不負朕訓誡矜全之意

戊子

上諭內閣曰善達承志二犯因其身係滿洲輒敢隨同

舞法營私罪難末減仍交刑部入于朝審辦理實屬  
法無可貸特念該二犯于賊匪滋事究有協同守城  
派防要隘一節可貸其一死又烏魯木齊浮銷糧價  
案內之傅明阿木和倫二犯亦係滿洲原擬應斬監  
候自屬罪所應得但其侵冒銀兩究由上司勒索與  
監守自盜者尚屬有間所有善達承志傅明阿木和  
倫四犯俱著從寬免死發往烟瘴地方雖遇大赦不  
得援照省釋所生親子皆係旗人未便令其間住著

交該旗存記除親軍護軍披甲等差使准其充當外  
其有頂帶職分概不准挑補以示懲儆又烏魯木齊  
案內之徐維紱張建菴亦係定擬斬候之犯今查徐  
維紱前在張掖縣丞任內曾經調令幫同萬邦英守  
城張建菴侵冒銀數較少俱尚有一綫可寬徐維紱  
張建菴均著照萬邦英之例免死發往黑龍江充當  
苦差雖遇大赦不得省釋其親子亦不准應試出仕

十月庚寅

上諭內閣曰甘省收捐監生本欲藉積貯監糧為備荒賑恤之用前次開捐時已不免稍有弊端經大學士舒赫德奏請停止至乾隆三十九年該督復奏請開例彼時大學士于敏中管理戶部即行議准併以若准開捐將來可免部撥之煩巧詞飾奏朕誤聽其言遂爾允行至今引以為過其時王亶望為藩司恃有于敏中為之庇護公然私收折色將通省各屬災賑歷年捏開分數以為侵冒監糧之地設此時于敏中

尚在朕必重治其罪姑念其宣力年久且已身故是以始終成全之不忍追治其罪自此次開捐監糧以後甘省上下勾通一氣竟以朕惠養黎元之政為若輩肥身利己之圖侵帑殃民毫無忌憚天下無不共知朕亦早有風聞而內外臣工並無一人言及思之實為寒心直至上年辦理蘇四十三一案據阿桂等屢次奏報得雨降旨查詢始知歷年該省旱災請賑全屬虛捏此皆由各該犯昧良亂法天理難容惡貫

滿盈自然敗露因令阿桂等徹底查辦種種積弊和盤托出實為從來未有之奇貪異事此案若照侵盜錢糧一千兩以上應斬正例則所有各犯皆應置之重典特以人數衆多不忍一概駢誅因照侵冒銀數多寡稍為區別並因蘭州被賊滋擾時曾有守城等事微勞者格外貸其一死除侵冒銀數在二萬兩以上者業經陸續正法及降旨加恩免死發遣各犯外本日朝審勾到尚有二十三犯內陳起搗史載衡伍

諾璽孫元禮吳鼎新等五犯侵冒銀俱在一萬兩以上又無守城微勞法無可貸現已予勾其餘各犯侵冒銀在五兩以上及五兩以下之奇明周人傑楊賡颺布瞻景福顧芝廣福呂應祥李立佛保劉炯郭昌泰等十二犯及捏結收受餽送之陳之銓潘時選熊啟謨等三犯俱著加恩免死內旗人奇明等五犯著照善達等之例發往極邊烟瘴地方雖遇大赦不得援例寬釋所生親子著交該旂存記除親軍護軍



披甲等差使准其充當其有頂帶職分概不准其挑  
補至周人傑等十犯著照萬邦英等之例發往黑龍  
江充當苦差雖遇大赦不得援照寬釋該犯等所生  
親子不准應試出仕至成德陳嚴祖二犯尤非他人  
可比成德係高晉之子書麟之弟陳嚴祖係陳大受  
之子陳輝祖之弟該二犯世受國恩身為大員子弟尤  
當潔已奉公以圖報効見有通省貪婪舞弊情事若  
能直揭部科朕必優加獎擢乃亦恐不畏法隨同侵

帑殃民雖該二犯冒賑銀數俱在五千兩以下但係大臣子弟如此昧良負恩情罪尤重是以予勾俾大臣子弟等知所儆懼即為大臣者亦當引以為鑒嚴教子弟又巴彥岱一犯收受餽送代屬員擔承虧空尚屬甘省故習及事敗露復瞻徇隱匿有心袒護亦無可寬是以予勾此案陸續正法者前後共五十六犯免死發遣者共四十六犯似此通省捏冒賑貌法營私案情重大朕心有所不忍因子萬無可寬之

中曲貸其一死實仍失之姑息引以為愧朕矜慎庶獄凡大小案件無不準情酌理權衡至當內外大小臣工見此案內之身受大辟者即當知畏其得邀恩免死者當知愧而不當以為幸經此番懲創之後務須各凜冰淵共矢小廉大法之誠副朕明刑弼教之意若再有愍不畏死以身試法者即按法處治斷不能如此次之曲為寬貸也所有辦理此案緣由著通行曉諭中外知之

臣等謹案甘省私收折色侵蝕賑帑銅弊已積數年至辦理蘇四十三時屢經

奏報得雨始將前此告旱冒賑貪欺飢法一一發露此

天理所難容即為

國典所不宥若按律辦理俱難仰邀末減我

皇上以案內人犯衆多覈其婪得贓數節次區別于守禦微勞及侵冒較少之犯均予免死發遣以昭

法外

深仁至身為大臣子弟如成德陳嚴祖負

恩昧良仍不稍為寬貸伏讀

訓諭煌煌洵足永垂炯鑒云

十一月丙申

上諭內閣曰朕昨閱蘭州紀畧于賊匪蘇四十三肆逆  
時蘭州府知府楊士璣前往查辦在白莊被賊殺害署  
河州知州周植因城失守自縊身死因思該二犯于

捏災冒賑案內俱侵蝕銀在四萬兩以上例應斬決  
發遣子嗣若其身尚在自應按律正法將其子發遣  
但念楊士璣被賊戕害周植城亡與亡究係歿于王  
事彼時與楊士璣同被賊害之副將新柱身係武職  
緣並無冒災捏賑之罪現已加恩給與難蔭且從前  
守城著有微勞之謝桓等各犯俱邀恩宥免死發遣  
楊士璣周植自應一體加恩其應得冒賑之罪以不  
予難蔭折之至該二犯之子已經發遣者着赦回原

籍其年未及歲現在監禁者亦一併釋放俾身任地方之責者知有罪必懲有功必錄益當感發天良力圖報効庶不負朕軫念微勞格外施仁之至意

臣等謹案楊士璘周植於冒賑案內侵蝕至四萬兩以上雖蘇四十三滋擾時或為賊所害或與城俱亡而死事之勤不足償貪冒之罪其子照例發遣罪所應得哉

皇上披覽紀畧一編念其歿于王事


垂慈軫惻並蒙

矜宥甘省全案既歲而守土者益知所勸懲從此大法

小廉共凜服官之責母倖

矜恤之寬庶無負

聖天子明罰勅法之至教也與





欽定蘭州紀畧卷二十